

# শিক্ষক নিয়োগ পরীক্ষার খাতা যথাযথ মূল্যায়ন না করার অভিযোগ স্বর্ণপদকজয়ী শিক্ষার্থীর



DECEMBER 11, 2021 / ক্যাম্পাস 2443



MCJ News

www.mcjnews.com



facebook.com/mcjnews/

মেরিয়া নুসরাত সরকার বিশ্ববিদ্যালয়টির প্রথম ব্যাচ (২০০৬-০৭ সেশন) এবং ইংরেজি বিভাগের প্রথম ও একমাত্র প্রধানমন্ত্রী স্বর্ণপদকজয়ী শিক্ষার্থী।

## মোদাক্ষির হাশমী

কুমিল্লা বিশ্ববিদ্যালয়ের ইংরেজি বিভাগের শিক্ষক নিয়োগ পরীক্ষার লিখিত খাতা যথাযথ মূল্যায়ন না করার অভিযোগ দিয়েছেন মেরিয়া নুসরাত সরকার নামে এক আবেদনকারী। তিনি বিশ্ববিদ্যালয়টির প্রথম ব্যাচ (২০০৬-০৭ সেশন) এবং ইংরেজি বিভাগের প্রথম ও একমাত্র প্রধানমন্ত্রী স্বর্ণপদকজয়ী শিক্ষার্থী।

গত বৃহস্পতিবার (৯ ডিসেম্বর) কুমিল্লা বিশ্ববিদ্যালয়ের উপাচার্য অধ্যাপক ড. এমরান কবির চৌধুরীর কাছে এই অভিযোগ

প্রদান করেন তিনি।

বেসরকারি বিশ্ববিদ্যালয় বাংলাদেশ ইউনিভার্সিটি অব বিজনেস অ্যান্ড টেকনোলজি (বিউবিটি) তে অধ্যাপনায় যুক্ত মেরিয়া নুসরাত সরকার তার অভিযোগে জানান, তিনি গত ৮ ডিসেম্বরে ইংরেজি বিভাগের প্রভাষক পদে শিক্ষক নিয়োগে লিখিত পরীক্ষায় অংশগ্রহণ করেন। লিখিত পরীক্ষা যথেষ্ট ভালো হওয়া সত্ত্বেও তাকে মৌখিক পরীক্ষায় অংশগ্রহণের সুযোগ দেওয়া হয়নি। লিখিত পরীক্ষার পর কয়েকজন প্রার্থী মাত্র দুটি প্রশ্নের উত্তর দিয়েছিলেন বলে তাকে জানান। অথচ তারাও মৌখিক পরীক্ষায় অংশগ্রহণের সুযোগ পেয়েছেন।

অভিযোগে তিনি আরও বলেন, প্রধানমন্ত্রীর স্বর্ণপদক প্রাপ্ত একজন শিক্ষার্থী হিসাবে তিনি মনে করেন, পরীক্ষা যথেষ্ট ভালো দেওয়ার পরও তার খাতা ইচ্ছাকৃতভাবে যথাযথ মূল্যায়ন করা হয়নি।

পাশাপাশি তিনি তার লিখিত পরীক্ষার খাতা পুনরায় মূল্যায়ন করে তাকে মৌখিক পরীক্ষায় অংশগ্রহণের সুযোগ দেওয়ারও অনুরোধ করেন এই অভিযোগপত্রে।

এ অভিযোগের বিষয়ে ইংরেজি বিভাগের বিভাগীয় প্রধান ড. বনানী বিশ্বাস বলেন, স্বর্ণপদকপ্রাপ্ত শিক্ষার্থী যদি লিখিত পরীক্ষায় না টিকে, সে ঘটনাটা খুবই দুঃখজনক। আমি যে কাজের সাথে সম্পৃক্ত ছিলাম, সেখানে অনিয়ম কিছু আমার চোখে ধরা পড়েনি।

একই বিষয়ে কলা অনুষদের ডীন ও ইংরেজি বিভাগের অধ্যাপক ড. এম. এম. শরীফুল করীম বলেন, সে আবেদন করেছে, এখন কর্তৃপক্ষ যদি মনে করে তাহলে পুনর্মূল্যায়ন হতে পারে। এখানে তো খাতা কোডিং ডিকোডিং হয়েছে। এখন কে মূল্যায়ন করেছে, কীভাবে মূল্যায়ন করেছে এটা তো প্রকাশ্যে ওভাবে বলা হয় না।

তবে এ অভিযোগের ব্যাপারে কুমিল্লা বিশ্ববিদ্যালয়ের উপাচার্য অধ্যাপক ড. এমরান কবির চৌধুরী বলেন, পরীক্ষা সম্পূর্ণ শতভাগ নিয়মের মধ্য দিয়েই হয়েছে। এখানে কোনো রকম ব্যত্যয় কিছু হয়নি। আমার চোখে সেটা পড়ে নাই।

/রিদওয়ান

[Home](#) » শিক্ষক নিয়োগ পরীক্ষার খাতা যথাযথ মূল্যায়ন না করার অভিযোগ স্বর্ণপদকজয়ী শিক্ষার্থীর



## সর্বশেষ

মায়েদের চোখে কেমন মা দিবস?

ফিচার

যেভাবে মাইক্রোসফটে কুবি শিক্ষার্থী রাজীব

ক্যাম্পাস

ঈদ সামগ্রী নিয়ে ২৫টি পরিবারের পাশে কুবির “আমরা সবার বন্ধু”  
কুমিল্লা

গবেষণামনস্ক প্রজন্ম তৈরির লক্ষ্যে কুবি গবেষণা সংসদের যাত্রা শুরু  
ক্যাম্পাস

আমার লক্ষ্য বিশ্ববিদ্যালয়ের র্যাংকিং উন্নত করা: কুবি উপাচার্য  
ক্যাম্পাস

Leave a Reply

